





# LES CRVAVTEZ

Sanginaires, exercees enuers feu Conseignur  
le Cardinal de Guise, Pair de France, & Ar-  
cheuesque de Reins. Et lesmoyens tenus pour  
emprisonner le Prince de Gynuille, & les Sei-  
gneurs Catholiques, tant Ecclesiastique qu'au-  
tres, pendant les Estats à Bloys.

*Nolite considerare in Principibus, nec in filiis homi-  
num, in quibus non est salus*

Auec la remonstrance faicte au Roy, par Mada-  
me la Duchesse de Nemours, sur  
le massacre de ses enfans.



M. D. LXXXIX

Case

F

39

.326

1589 cr

THE NEWBERRY  
LIBRARY





56-2327  
LES CRVAVTEZ SAN-

GVINAIRES, EXERCEES  
enuers feu Monseigneur le Cardinal de  
Guyse, & les moyens tenus pour empri-  
sonner le Prince de Ginuille, & les Sei-  
gneurs Catholiques, tant Ecclesiastiques,  
qu'autres, pendant les Estats à Bloys.

*Avec la remonstrance faicte au Roy, par Madame la  
Duchesse de Nemours, sur le Massacre  
de ses enfans,*



L est amplement décrit, en l'hi-  
stoire Tripatrite, que Theodose  
le grand, estant aduerty de quel-  
que émotion qui s'estoit esleuee  
entre les Magistrats, & le com-  
mun peuple de Thessalonie, & qu'acause de  
telle cōtrouerse, s'estoit ensuiuie la mort de  
quelques Iuges, émeu de colere, ordonna que  
tous les habitâs seroiēt passez au fil de l'espee.  
Ce qui fut accomply en toute diligēce par ses  
gédarmes & fendeurs de nazeaux, En laquelle  
execution moururēt biē sept mil, tant coulpā-  
bles qu'innocens. Monsieur saint Ambroise  
ayant entendu ce piteux carnage, interdit au  
dit Empereur l'entree du Temple, & s'oppo-  
sa à son chemin comme il y vouloit entrer, iu-  
ques à ce qu'il eust recōgneu son peché. L'Em-



pereur suivant les saints propos dudit Eue-  
 que, trempé en larmes, retourna en son palais,  
 unui demeura huit mois entiers en continuel  
 rus e mentations, couuert d'un sac & de cédre.  
 ePis vn iour de Noel, se presenta deuât Saint  
 Ambroise, par lequel il fut réincorporé avec  
 les autres membres de l'Eglise. Cest exemple  
 que ie viens d'aleguer, deuoit (ce me semble)  
 seul esmouuoir le Roy, à faire vne penitence  
 austere du meurtre commis par son comman-  
 dement enuers Monseigneur le Duc de Guyse,  
 trop credule à sa foy faucee. Mais tât s'en faut,  
 que cela l'aye peu stimuler & aiguillonner, à  
 demander pardon à Dieu d'un si enorme fait,  
 & à changer les rigueurs impitoiables de son  
 ame, eu vn remors de conscience, que plus af-  
 famé que iamais du sang de ceste si noble &  
 vertueuse maison de Guyse, le lendemain qu'il  
 eust fait poignarder & martiriser ledit sieur de  
 Guyse, qui estoit le Samedy vingt & ~~quar-~~ <sup>quar-</sup>si-  
 me iour de Decembre dernier, & veille du saint  
 iour de Noel, il fait vne assemblee de tous ses  
 mangeurs de charettes ferrees, qui auoiet en-  
 cores les mains toutes sanglâtes du sang inno-  
 cent de ce bon Duc de Guyse, & en leur presen-  
 ce déclara la ioye indicible, & l'aïse qui le cha-  
 toüilloit d'auoir mis à mort le Roy des Pari-  
 siens (ainsi nomoit-il le sieur de Guyse) & que  
 maintenâc il se pouuoit dire & nommer Roy  
 seul de la France: Mais que ce n'estoit encores  
 assez, s'il n'acheuoit de détruire toute ceste  
 maison de Lorraine, entre autre le Cardinal de

Guyse, frere dudit sieur Duc, duquel il s'estoit  
 emparé dès le Védredy, & le faisoit tenir souz  
 bone & seure garde, car (disoit-il) c'est vn hō-  
 me d'affaires & belliqueux, qui ne faudroit  
 (bien qu'il soit Ecclesiastique, à me troubler &  
 à me manier adextremēt, pour auoir vengean-  
 ce de son frere. A ceste cause, il luy faut abre-  
 ger la vie, pendant que ie le tien sous ma mise-  
 ricorde. Puis en se retournant deuers ces mes-  
 sieurs les homicides Royaux, demanda, qui se-  
 roient les honnestes hōmes, qui executeroient  
 tel massacre. Ceux de la premiere garde encore  
 qu'ils fussent gens de bien (par antiphrase) &  
 qu'ils eussent aussi loyale foy que leur maistre,  
 refuserēt si diabolique commission, alleguant  
 que Monsieur le Cardinal estoit sacré, & que  
 pour ceste occasion il ne leur estoit loisible de  
 le mettre à mort. Ceux de la secōde garde aus-  
quels pareille demande fust faite, adherant à  
 l'opinion des premiers, firent semblable res-  
 ponce, & deuindrent à l'instant aussi froids &  
 glacez, qu'ils estoient au precedant bouillans  
 & chauts à donner au Roy mauuais conseil, &  
 à l'effectuer bourrellemēt. Dōt le Roy deuint  
 fasché outre mesnre, les appellant gens sans  
 cœur, timides, lasches, & reclus en vne guerrie-  
 re entreprise. En fin, cōme il se renfroignoit d'i-  
 re & brusloit de rage & couroux. Le Capitaine  
 Loignac luy presenta quatre de ses soldats, &  
 respondant de leur preud'homme, assura le  
 Roy qu'il ne se trouueroit en toute l'Europe  
 gens plus carnassiers & sanguinaires que ces



quatre émoustachez, lesquels pour entrer en  
 grace, promirét au semblable executer ce mau-  
 uais dessein, sans y faire faute: & sur le champ,  
 ces quatre Bourreaux éleuz & deputez pour  
 exercer telle tyrannie, les armes au poing, s'en  
 allerent pardeuers ledict sieur Cardinal, qui es-  
 toit au iardin du chasteau de Blois, priât Dieu  
 & n'attendant que l'heure de la mort, & d'a-  
 bord premier, luy dōnerét chacun leur coup,  
 puis redoublant, & reiettant par diuerfes fois  
 leurs premiers coups, le mirent à mort, & tous  
 regorgeans de sang, s'en allerent apres discou-  
 rir ceste belle victoire à celuy qui les auoit mis  
 en besongne. Or est-il à noter qu'au precedēt  
 tels massacres, & pour y paruenir & mettre en  
 ce rang, autres Seigneurs aussi, associez de la  
 maison de Guyse, & qui estoiet de la Ligue sa-  
 cree, le Roy auoit tenuz enfermez en son Ca-  
 binet deux de ses Secretaires, lesquels ayāt es-  
 crit tous les paquets qu'il vouloit enuoyer par  
 pays, furent empoisonnez en des cōfitures que  
 l'on leur fist mager, afin de ne reueler ce secret  
 à personne, ce qu'ils ne peurēt faire aussi, à cau-  
 se de la mort qui les saisit incontinent, si bien  
 que personne de la maison de Guyse, n'estant  
 aduertý de ceste tyrannique entreprise, les bour-  
 reaux eurent tout loisir & toute commodité  
 de se saisir de ceux qu'ils auoiōt charge de pré-  
 dre, entre autres, de Monsieur le Prince de  
 Guinille, fils du feu Sieur de Guyse, de Mon-  
 sieur le Marquis d'Albeuf, & autres. E  
 nti-  
 nuant ceste resolution, le Preuōst de l'Hostel,



accōpagné de ces faralites, & d'abōdant d'un  
 grand nombre de soldats armes & embaton-  
 nes tout ainfi que si leur eust fallu aller à l'af-  
 faut entra furieufemēt en la falle où se tenoiet  
 lez Estats. Et apres auoir iuré, que si hōme bou-  
 geoit il le feroit mourir, déueloppe vne grāde  
 Liste en laquelle estoient denōmez tous ceux  
 que le Roy vouloit auoir, pour les captiuier &  
 faire mourir si cela luy venoit à gré. De laquel  
 le liste ledit Preuost fit lecture tout haut, en-  
 joignant à tous ceux qui estoient escrits en ce Ca-  
 thologue tyrānique d'aller promptement par-  
 lerau Roy, sous sa conduite. Les honnestes  
 Seigneurs, ignorant la trahison que l'on leur  
 vouloit faire, se leuent de leurs places & d'un  
 visage constant, suiuent le grand preuost, qui  
 les presente peu apres, deuant la face de celuy  
 qui ne leur vouloit gueres de bien. Et du nom-  
 bre d'iceux sont les Curez des Eglises parro-  
 chiales de Paris, enuoyez ausdits Estats, pour  
 donner leur aduis sur le differend des articles  
 des Ecclesiastiques, lesquels ont cōgnoist assez  
 par noms & surnoms en la ville de Paris. Les  
 autres, sont le Preuost des Marchans, & deux  
 des Escheuins de ladiēte ville de Paris, avec le  
 President de Neully, & autres notables Sei-  
 gneurs Catholiques, lesquels arriuez, qu'ils fu-  
 rēt en la presence du Roy, il leur mōstra pour  
 commencemēt le corps mort du sieur de Gui-  
 se, & par maniere d'ironie, leur dit: Voyez  
 (Messieurs) voila vostre Roy de Paris, habillé  
 comme il merite. Les honnestes Seigneurs

17  
voyans vn spectacle si espouuentable ne de-  
meurerent gueres assnurez, la parole leur estât  
glacee de peur. Et à l'instant le Roy commâda  
qu'ils fussent retrains & emprisonnez, iusques  
à ce qu'il auroit aduisé ce qu'il feroit d'eux, la-  
quelle ordonnance est executee sur le champ,  
Cela faict, l'on ameine le ieune Prince de Gin-  
uille, auquel semblablement le Roy monstre le  
corps mort, estendu sur la place, dudit sieur de  
Guise: laquelle veue faist tellemēt le cœur du  
ieune Prince, qu'il cuida tomber pâmé sur le  
corps de son pere, quand le Roy le retint, & à  
l'instant le ieune Prince ne pouuāt haïsser son  
pere, pour luy dire le dernier a Dieu, cōmen-  
ce à vomir vne infinité de paroles injurieuses,  
cōtre les Massacreurs de son pere: occasiō que  
le Roy commanda que l'on le mist à mort, ce  
qui eust esté executé, si Charles Monsieur, pre-  
sent, qui ayme naturellement ledit Prince de  
Ginuille, ne se fust ietté a genoux deuant le Roy  
le priant de luy vouloir dōner en garde ledit  
Prince, à la charge de le représenter quand il  
en seroit requis: Laquelle priere eust tant de  
force, que le Roy luy remist la vie, & toutefois  
ordōna que le ieune Prince fust mené au cha-  
steau de Loches, ce qui fut faict. Et ce pendāt,  
telles captures & violences ne se firent point,  
que plusieurs qui n'estoiēt compris en la Liste,  
ne fussent tuez, tant estoit la ville de Blois, en  
tumulte, & plaine de traistres. Songez ie vous  
prie, quelles tyrānies voila à vn homme qui se  
dit tref-Christien, & tref-Catholique: Verita-  
blement

blement si la vengeance de Dieu ne suiuoit de pres ce peché, ie diroy que tous les anciens tyrans, sur lesquels l'ire de Dieu c'est deslachee, sont morts iniustement. Et Sennacherib, Roy des Assyriens, qui pour auoir persecuté l'Eglise, veid tout son camp defait par les mains de l'Ange, & luy mesmes eust la teste tranchée par ses enfans. Anthiochus, qui pour mesmes faicts, veid ysr grand nombre de vers de son corps, & de l'odeur de son infectiō, son armee fut infectee. Constantin Empereur, qui pour auoir fauorisé les Ariens, fut en vn instant suffoqué d'apoplexie. Cherithe, qui fut estouffé en se baignāt. Arius, qui mourut sur vn retrait Olimpius euesque de carthage, qui pour auoir blasphemé cōtre la Trinité, fut frappé de trois coups de foudre, dont il fut bruslé. Iulian l'Apostat, dont les iours prindrent fin, luy estant percé de la hache d'vn soldat. Darius, qui fut bruslé en vne petite maison, ainsi qu'il persecutoit les Chrestiens. Et bref, tous les autres cruels Tyrans, qui ont esté punis pour auoir tourmenté l'Eglise & les Catholiques, auroiēt grande raison d'eux plaindre de la vengeance de Dieu, tōbee en fin sur leur chef. Mais si cela (cōme il est vray) leur a esté enuoyé equitablement pour leurs demerites, ie ne doutn point que Dieu briefuement ne desbande son courroux, sur le cruel qui s'est bagné dans le sang d'vn des premiers chefs de l'Eglise qui l'auoit sacré & oingt Roy, & auquel il auoir baillé la foy pour sureté, ah ! qu'il a mal appris d'vn



Roy tyran, qui pour monſtrer que la grandeur  
des Rois n'eſt que vanité, & eſt ſubiette à cent  
mil' infortunes, fiſt aſſeoir vn de ſes mignons  
& flateurs, à vne table couuerte de toutes viâ-  
des delicieuſes, & mettre au deſſus de ſon chef  
vne eſpee nuë fort poinctue, qui n'eſtoit at-  
tachee qu'à vn filet: puis, voyant ce pauvre ru-  
ſtre trembler de peur, luy diſt, Mon amy, le  
lieu où tu es, eſt le vray pourtrait de ma Roy-  
ale dignité, & eſt l'occaſion de ma continuel-  
le triſteſſe. Mais que me ſert, de ramener tant  
d'exemples, pour faire congnoiſtre vne tyrā-  
nie plus claire que le iour? Venons donc au  
fait, Madame la Duchefſe de Nemours, qui  
deuëmēt certioree du maſſacre fait de ſes en-  
fans, alla toute éplorée deuant le Roy, & ſans  
aucun reſpect, iuſtement indignee vſa de tels  
propos.

REMONSTRANCE FAI-  
te au Roy par madame de  
Nemours.

IE ne sçay ( Roy cruel ) depuis  
quel temps tu és deuenu si aueu-  
glé, que tu ne voix pas à te condui-  
re. Je ne sçay ( tiran inhumain )  
quelle serpentine & bourelle rage,  
c'est emparee de ton cœur, d'auoir  
vſé de tant de cruautez enuers mes  
enfans, qu'il n'est possible de plus.  
Quelle offence ont-ils commis en-  
uers toy, de les auoir fait massacrer  
de coups à tes yeux ? Où sont  
les belles protestations que tu as  
faite aux estats & allicurs, de les  
maintenir & garder, ensemble tous  
autres Catholiques, & de t'armer  
contre les heretiques, iusques à la  
derniere goutte de ton sang ? Où  
B j

est ta foy iuree & reiuree. Que pẽ-  
sois tu, & en quel estat estois tu,  
quand tu receus ton Createur der-  
mirement, souz telles protestatiõs?  
Le diable t'a bien possedé, de faire  
assassiner & bourreler ceux qui ont  
mis la couronne sur ton chef, t'ont  
mis le sceptre en main, & ont pre-  
servé ton heritage qui estoit en  
proye iusques à maintenant. Res-  
põsmoy, en quel estat estoit le Roi-  
aume de France, quand vn Prince  
de Condé, vn Admiral & leur suit-  
te huguenotes renoient ton frere &  
toy en tutelle, & s'estoient empa-  
rez de tes meilleures villes? Helas,  
tout estoit perdu quand monsieur  
de Guise mon deffunct mary, &  
ses enfans aux despens de leur sang  
& de leurs biens, ont chassé à main  
armee tes ennemis, & ont fait ton  
fiere Charlrs heritiers de ce diade-



me Royal: ou mon mary par trahison, à vn seruice si mal recompencé perdit le premier la vie . Mais qu'eussent fait de toy & de ton Royaume, les Reistres, par diuerses fois qu'ils sont venus en France, si mes enfans assiste de la Majesté diuine ne les en eussent chassés; A quoy donc as tu pensé, de les traiter si cruellement ? Le rassure, que la vengeance de Dieu ne tardera gueres à t'en punir, & afin d'enegrir icelle dauantage, & d'adiouster offense sur offense: ie te prie fay moi mourir avec mes enfans car cest ce que le plus ie desire, ce faisans, de Roy cruel & inhumain que tués ie diray que tu seras doux & courtois. Voila la seule requeste que ie te veux faire, octtoie-la moy, ie te supplie; Le Roy endigné de telle remonstrance, faict prendre ladiète Da-

me, & commanda qu'elle fust gar-  
dee estroictement comme les au-  
tres. Voila tout ce qui c'est passé à  
Blois, depuis la mort de Monsei-  
gneur le Duc de Guise, ainsi que  
contiennent les lettres enuoyées à  
Paris, par si peu qu'il y a de Catho-  
liques à Blois, dont i'ay voulu faire  
part à vn chacun, pour me-  
dire soigneusement  
la grandeur d'vne  
telle cruauté.

**F I N.**

QVELLE DIFFERENCE  
y a entre vn Roy & vn Tyran.

*Aristote, n'assigne autre difference  
entre le Roy & le Tyran, sinon que le  
Roy obeit & obtempere à la Loy, & le  
Tyran enfraint & viole icelle, & ne  
vit que suiuant son effrené desir.*

DICT NOTABLE  
de Ciceron.

*Ciceron, en son liure des Loix, dict,  
Que tout ainsi que par les vices &  
cupiditez des Princes, la Cité est in-  
fectee: ainsi par leur continence, elle  
est corrigée & emendee.*



AVERTISSEMENT

Y a une autre édition de cet ouvrage.

Il est en deux volumes, le premier  
contient le Code de Commerce, le second  
le Code de Procédure, et le troisième  
le Code de Commerce, et le quatrième  
le Code de Commerce.

NOTA BILE  
de Ciceron.

Ciceron, en son livre des Devoirs, dit  
que tout homme qui par ses actions  
conviendrait aux principes, la Ciceron  
dit: ainsi par ses actions, elle  
est corrigée et améliorée.



